

ՆԵՐՔԻՆ ՏԵՍՈՒԹԻՒՆ

ԱՄՍԻԱՅ ՔՐՈՆԻԿ

ԽՈՒՆԵՐԱՆ ԱՆԴՐԿՈՎԿԱՍՈՒՄ

Խոլերայի համաճարակումը կլանեց մեր երկրի բնակիչների ամբողջ ուշադրութիւնը այս վերջին երեք ամիսներում և այլ բանի հետաքրքրութեան համար բնաւ. տեղ չը թողեց: Խոլերան, որ մեր երկրում սկսեց Բաքուից, տարածւեց այնուհետեւ մի կողմից Ռուսաստան՝ Հաշտարխանի միջով, իսկ միւս կողմից Կովկասի գրեթէ բոլոր նահանգները: Ռուսաստանի սահմաններից դուրս՝ խոլերան դոյութիւն ունի այժմ միայն մեր հարեան Պարսկաստանում, մինչդեռ բարեբախտաբար մեր հարեան Տաճկաստանում, շնորհիւ ձեռք առած խիստ միջոցների՝ խոլերան չը կարողացաւ մուտք գործել կամ որ և է ծաւալ ստանալ: Տարաբախտաբար արեւմտեան Եւրոպան իսպառ զերծ չը մնաց խոլերայից, թէև առայժմ նա զլիսաւորապէս Գերմանիայի ծովեզրիայ Համբուրգ քաղաքումն է սաստիկ. այդ կէս միլիոնաչափ բնակիչ ունեցող հարուստ քաղաքում խոլերան օրական հարիւրաւոր զոհեր է տանում:

«Մուրճ»-ի անցեալ 6-րդ համարում տպւած մեր աշխատակից բժ. Ն. Ումիկեանի յօդւածում ասւած էր խոլերայի տեղութեան մասին հետեւեալը. «Խոլերայի համաճարակումի սկզբում հիւանդանում են մի քանի հոգի. այնուհետեւ դէպքերը բազմանում են. 4—6 շաբաթից յետոյ համաճարակումը հասնում է իւր զագագիծնակէտին, որից յետոյ, ի հարկէ, նա սկսում է նւազել: Այդ խօսքերը մօտաւորապէս ճիշդ դուրս եկան: Այն բոլոր տեղերում, ուր խոլերան ամենից առաջ սկսւեց, համեմատապէս էլ սկսեց աւելի շուտով նւազել մինչ մի ամիս կամ ամիս ու կէս սաստիկ զարգանալուց ու զոհեր տանելուց յետոյ:

Շնորհիւ կանոնաւոր կերպով հաղորդող պաշտօնական տեղեկութիւններին, որոնք տպւում են «Гавказ» և «Правительственные Вѣстникъ» լրագիրներում, հնարաւորութիւն կայ այժմ համագումարներ հաղորդել խոլերային զոհ զնացածների մասին, որոնց ընդհանուր թւերը հաղորդելը մենք խոստացել էինք անցեալ անգամ: Բայց արդէն այդպիսի համագումարներ մենք գտնում ենք արւած նոյն պաշտօնական Վաւկազ ռուսաց լրագրում, որից և կ'օգտուեմ այս անգամայ համար:

Հաշիւները վերաբերում են ժամանակամիջոցին՝ սկսած յունիսի 6-ից, երբ առաջին դէպքը եղաւ Բաքում, մինչ օգոստոսի 1-ը, որի ընթացքում, Կովկասում, չը վարակւած մնացին միայն Սուխումի և Սեծովեան օկրուգները. մնացած բոլոր նահանգներում գործեց խոլերան, թէև ոչ բոլոր գիւղերում, անգամ ամբողջ գաւառներ կան, որոնք ազատ մնացին: Վարակւած նահանգներում յիշեալ ժամանակամիջոցում շատ թույլ էր խոլերան կամ բնաւ չը կար Տերեկի և Կուբանի նահանգների լեռնային տեղերում. Քուլթայիսի նահանգում խոլերան կար միայն Քուլթայիս, Բաթում և Պոտի քաղաքներում և այն գաւառներում միայն, ուր անցնում է երկաթուղու գիծը. Կարսի նահանգում խոլերան կար միայն Շորաքեալի վիճակում. Թիֆլիսի նահանգի գաւառներից իսպառ զերծ մնացին Թելաւի և Թիոնէտի գաւառները:

Այն թւերը, որ բերում ենք ստորև, ի հարկէ պէտք է ընդունել միայն որպէս մօտաւորապէս ճիշդ, որովհետև եղել են անկասկած դէպքեր, որոնք սխալմամբ ընդունւել են որպէս խոլերային, բայց եղել են նաև շատ դէպքեր, որոնք պաշտօնապէս արձանագրւած չեն եղել:

Համագումարները Կովկասի բոլոր նահանգների մասին ներկայացնում են հետևեալը.

Ա. ԱՆԴՐԿՈՎԱԿԱՍ.	Օգոստ. Թէւ	Հիւսիսային ցածները	Մակ.
Բաքու քաղաք (6-ից յունիսի). . .	56	2.501	1.934
Բաքւի նահանգ. (17-ից յուն.). . .	45	4.714	3.210
Թիֆլիս քաղ. (11-ից յուն.). . .	51	408	188

Թիֆլիս նահ. (8-ից յուլ.) . . .	24	1.710	877
Գանձակի նահ. (13-ից յուն.) . . .	49	5.486	2.885
Դաղեստանի շրջ. (18-ից յուն.) . . .	44	12.559	5.674
Երևանի նահ. (7-ից յուլիսի) . . .	25	2.644	1.431
Քուլթայիսի նահ. (12-ից յուլ.) . . .	20	90	45
Զաքաթալի օկրուգ (16-ից յուլ.) . . .	16	212	133
Կարսի շրջան (17-ից յուլ.) . . .	15	483	245
Բ. ՀԻՍՏՈՍՏԻՆ ԿՈՎԿԱՍ.			

Վլադիկաւկ. քաղ. (12-ից յուլ.) . . .	20	719	308
Տերեկի շրջան (26-ից յուն.) . . .	36	16.450	8.039
Կուբանի շրջան (27-ից յուն.) . . .	35	7.161	3.611
Ստաւրապոլի նահ. (10-ից յուլ.) . . .	22	5.819	3.208
Համագումար . . .		60.956	31.788

Այդ հաշւից երևում է, որ առողջացածները կազմել են 52% բոլոր հիւանդացածների:

Զօրքերի մէջ եղած զէւքերը ի նկատի են առնւած միայն Թիֆլիսում, Բաքում և Դաղեստանում:

Նոյն ժամանակակա ընթացքում, այսինքն ց1-ն օգոստոսի վախճանւածների մ ի ջ ի ն օրական թիւը եղել է՝

Բաքու քաղաքում	34	հոգի
Բաքւի նահանգում	71	»
Թիֆլիս քաղաքում.	3	»
Թիֆլիսի նահանգում	36	»
Գանձակի նահանգում	59	»
Դաղեստանում.	138	»
Երևանի նահանգում	57	»
Քուլթայիսի նահանգում	2	»
Զաքաթալի շրջանում.	8	»
Կարսի շրջանում	16	»
Վլադիկաւկաղ քաղաքում	15	»
Տերեկի շրջանում	223	»
Կուբանի շրջան.	109	»
Ստաւրապոլի նահանգում.	146	»

Ամեն մի նահանգի ազգաբնակչության թվի հետ համեմատած, վախճանւածները կազմել են հետևեալ տոկոսները.

Հարիւր հոգի բնակիչներից հիւանդացել են կամ մեռել են՝			
Տերեկի շրջանում հիւանդացած	2,30/0	վախճանւ.	1,10/0
Դաղեստանի շրջ.	2,1	»	0,9
Ստաւրապ. նահան.	0,9	»	0,5
Բաքւի նահանգում	0,7	»	0,5
Գանձակի նահանգ.	0,7	»	0,4
Կուբանի շրջանում	0,6	»	0,3
Երևանի նահանգում	0,4	»	0,2
Կարսի շրջանում	0,4	»	0,2
Զաքաթալի շրջ.	0,3	»	0,2
Թիֆլիսի նահանգ.	0,2	»	0,1
Քութայիսի նահ.	0,01	»	0,01
Իւքրու քաղաքում	2,7	»	2,09
Վլադիկաւկազ քաղ.	1,6	»	0,7
Թիֆլիս քաղաք.	0,3	»	0,3

Կովկասի ամբողջ ազգաբնակչության թվի հետ համեմատած, մինչ օգոստ. 1-ը հիւանդացել են խոլերայից հարիւրին 0,80/0, և վախճանւել հարիւրին 0,40/0, որ նոյնն է թէ ամեն 250 բնակիչներից վախճանւել է խոլերայից մի (1) հոգի:

Այժմ, օգոստոսի վերջին օրերումն, խոլերայի համաճարակումը մեր երկրում շատ զգալի կերպով նւազել է, տեղ-տեղ դրեթէ իսպառ վերջացել է. բայց դեռ ևս նա կայ. յոյս կայ որ զալ ամսի վերջում այդ ահռելի հիւանդութիւնը միայն անցեալի չիշատակներ թողած կը լինի մեզանում:

Ուսումնարանների բացումը, որպէս բնական էր սպասել, ձեռն-հաս կառավարութիւնների կողմից հրամայւած է յետաձգել թէ ուռւաց և թէ հայոց դպրոցների համար: Ուսումնարանները մեղանում բացւում են սկսած սեպտեմբերի 15-ից միայն: